



**Äntwert vun der Madamm Gesondheitsministesch op d'parlamentaresch Fro n°8245 vum 21. August 2023 vun der honorabeler Deputéiert Madame Diane Adehm**

Am Joer 2019 huet den Laboratoire national de santé (LNS) sech vun engem externe Consultant begleede gelooss wéinst sengen speziellen Kompetenzen am Beräich "marchés publics". Dësen Kontrakt war bei 12.000 EUR plafonéiert<sup>1</sup>.

2023 huet dee selwechte Beroder den LNS nach emol begleet am Kader vum Renouveau vum dësem Marché public.

Den 26. Juli 2023 huet ee Journalist ee potentielle Interessekonflikt gemellt am Zesammenhang mam „Service Desk“ vum LNS, wouops hin an de Méint August a September 2023 eng intern Enquête duerchgefouert gouf, déi erginn huet dass dee Consultant un der Finalisatioun vun der Offer vun Abakus fir de Marché public vun 2019 matgeschafft huet. Dee concernéierte Consultant huet schrëftlech deklariéiert, keng intern a confidentiel Informatiounen weiderginn ze hunn déi d'Offeren vun Abakus an iergend enger Form beaflosst hätten. Den LNS hat des Informatiounen net zur Verfügung an Abakus konnt deemno vir 2023 net vum Marché public écartéiert ginn.

Den LNS ass der Meenung dass de concernéierte Beroder seng Kontakter zu Abakus hätt misste vun Ufank u matdeelen, an net réischt 2023. Dat selwecht gëllt och fir Abakus. Säit engem Joer mécht den LNS eng strukturéiert Kontroll betreffend méiglechem Interessekonflikt tëschent de jeeweilige bedeelegten Firmen un Marchéen.

Et sief nach erwänt, dass, nodeems all d'Offeren ausgewäert goufen, Abakus de Marché public net attribuéiert krut.

Lëtzebuerg, den 7. November 2023

D'Gesondheitsministesch  
(s.) Paulette Lenert

---

<sup>1</sup> un montant inférieur au seuil d'exigence de trois offres (conformément à l'article 20 (1) a) (livre I) de la loi du 8 avril 2018 sur les marchés publics).